

四庫全書

集部

欽定四庫全書

集部
石倉歷代詩選卷二百
七十一

詳校官庶吉士臣龍廷槐

侍讀臣孫球覆勘

總校官進士臣朱鈐

校對官主事臣張慎和

謄錄監生臣李世麟

欽定四庫全書

石倉歷代詩選卷二百七十

明 曹學佺 編

元詩四十

岑安卿

古意

亭亭千歲松起自一寸植苟無斤斧患壽可比金石青
青園中草一雨迴青色清霜忽飄零彫瘁在頃刻

又

寶刀不斷水綫溜可穿石君看城門軌要非兩馬力為
學不苦心虛談政何益偉哉大禹功猶思寸陰惜

偶讀戴帥初先生壽陳太博用東坡無官一身
輕有子萬事足詩二句為韻有感依韻以續
其後

貪夫富且壽吉人饑復寒什襲寶燕石白壁泥塗間老
成愧苟得童孺羞無官如何羊裘翁不念歸來難

又

訪讞我自致勿怨生不辰
蒺藜非所據石卜陷厥身始
知膠漆心十載雷與陳
蠅矢任黑白頽然自天真

又

締綌不任暑毳褐寒復生
寒暑歲相似中心空自驚
道義山岳重富貴浮雲輕
念此轉悽惻俛仰何所成

百雁圖

離離鴻雁羣渺渺水雲國
白雪剡川藤玄香牧溪迹
形

眞具生意彷彿二百翼四海兄弟情於茲見叙秩前鳴
後如鷹高下低復逆隨陽足稻梁直夜防機弋水寒蘆
葉黃霜清葦花白羣遊得所止一氣同悅懌哀哉淮南
謠布粟歌斗尺東阿賦豆萁才高終擯斥觀圖適念此
翻為古人戚今人猶古人毋為後人惜

食新筍

黃蘗甕已竭枯繡筐亦空老芥長芒刺食久咽為痛山
雨折竹胎未入春盤供畦丁適踵門致我親戚送脫綳

錦紋散切玉霜刀弄新香歎湯鼎饒涎迸齒縫未倩搜
詩腸已破食肉夢參禪誠滑稽煮簞宜笑閔贊寧譜亦
佳涪翁句堪誦僻居東海偏斯味時一中山僧應厭飡
飽食聽春哢

述古二章送范瑞卿回越

陶朱五湖客相業霸于越十年思復讎一舉強國滅扁
舟煙水間十載仰遺烈子念居是邦景慕有前轍試吏
固云始時至亦宏達

又

司隸百世士攬轡思澄清生罹黨錮禍歿有益世名善
類既銷歇漢祚亦云傾子材固不逮識此已足稱古人
不可見千載思雲仍

夢中作

積雨稍開霽晴川榜孤舟雙目豁陰翳四望餘雲收輕
風生衣袂洒洒舒煩憂橋橫落日迴水與山俱流白鷗
洲渚涼黃鳥林塘幽十旬九陰雨茲晴信難求美景與

心會及暮猶遲留賓朋愜清賞晤語更獻酬歸途見明月華巔風颭颭

和濟天岸法師約李五峰同遊韻

我不識徃古誰復知來今彼哉牛山淚祇濕當時襟節序條代謝秋風生樹林暑氣日已薄涼氣日已深酌我新熟酒鳴我素蓄琴陶然一今古萬事從無心

又

行行風波逢著脚殊未穩榮名非素懷飄忽任衰晚嗟

哉聖賢心明白寄黃卷如何當世人交深語翻淺所以
靖節翁拋官托罷蹇長歌歸去來高風播彌遠

次茲息菴冬日海棠韻

盈盈宮錦仙厭彼繁華場當春不自獻婉婉懷無生托
根旃檀林金仙借恩光羣陰正凝沍特與回春陽拒霜
宜愧死江梅亦羞香翻令桃杏顏應有趨時傷定患一
笑姿未免隨春芳始信鶴林仙解還非時粧

和李宰韻

春風吹繁花秋露淨孤月壯年嗜好新對此每傾悅年
來百念灰搔首惟短髮流光不我與苔生古人骨常懷
却世紛宴坐學龜息從渠鵬去畱不問馬得失李侯宦
遊蹤來儼海上宅庭蘭茁春芽笑語落霏雪詩文嘗我
過老晦資啓發窮思獨善身自獻殊未屑對酒還當歌
甘旨肯朝夕君心與我懷相對交嘆息

灌畦

灌畦起清晨汲水甘自勞微露濕裳履涼風吹鬢毛緬

懷漢陰叟東陵亦其曹顧予何為者佚豫敢自驕日午
獲偃息讀書志彌高年饑見抗稻萬民免煎熬寄跡天
壤間於焉遂逍遙

鏡池

鎔鑄匪鑪冶寒液凝不裂雖無磨淬工俯視香奩揭能
湔百慮空了不見生滅水鑑唯外形心淵湛秋月

梅沼

孤根懸倒影彷彿浮靈槎疎疎枝間雪淡淡波中花松

竹復相亞偃蹇同歌斜折香汲深寒清供推禪家

琴峽

石束清溪流琮琤玉聲碎如聞操履霜墮却思親淚伯
牙寡所知鍾期乃同志至今流水音寥寥在茲地

桂軒

誰居廣寒宮有此嘉樹植年年風露中黃金吐秋色秋
光天上來開軒為我得笑彼揮斧翁勞生竟何益

寄興示諸子

田園日蕪穢衰邁不自治童僕肆疎嬾子孫習娛嬉良
苗雜稂莠瓜瓞纏蒺藜草深狐兔聚水積蛙蚓滋念茲
每獨往邈焉起遐思世事亦如此重令我心悲

題舊紈扇

去年壁上翁蒼蒼生網蟲今年承拂拭還有去年風自
憐顏色改得入君懷中願言新舊人恩寵長相同

次元善喜雨韻

石燕拂雲杪河魚落簷前天公半月雨上下舒憂前稿

壤蚓發唱素壁蝸留涎禾蔬鬱嘉秀樂彼田與園既無
溝壑虞體受期歸全拙架有遺軸足以銷餘年

官舍偶成

宿雨生曉涼幽禽在高樹披衣出門看溪流急如注草
木被新渥青山蒲公署偶為城郭居獲此林下素隣家
酒如渾歌管朝夕度此樂非我知看書日還暮

傷心行用李長吉韻

朔風動清吟孤月流寒素白髮困青燈紅粧泣秋雨羅

扇沿網蟲寶鑑青鸞舞白晝魍魎行山昏鬼無語

詠范氏池亭

虛亭巧結構有此觀魚境碧沼風生紋高林月留影花
竹列我前松杉瘦而穎山環翡翠屏水瑩琉璃井書生
東海來山水頗深省喜有鄭家湖詩文每相警

題太真春睡圖

東風吹香蕩晴晝長安宮苑花如繡海棠一夜折輕紅
淑氣薰蒸困醇酎太真徙倚沈香亭宿醒未解春冥冥

眉峰斂翠翳秋水侍兒夾擁花娉婷玉床膩滑芙蓉展
水沈煙裊金屏煖丹腮融潤珊瑚溫寶釵斜簪烏雲綰
上皇玉笛那敢吹地衣紅皺靴輕移傳令別殿罷歌管
流鶯不語游絲垂漁陽鼙鼓邊塵動臺閣無言卿士憎
婦人一睡四海昏主閭臣諛總如夢翠華西狩九廟隳
禍胎未剪三軍疑馬嵬夢醒生死訣一時悔禍人心歸
驪山舉燧供歡笑犬戎蹴踏周原草丹青誰寫春睡圖
後世不須歲大寶

次韓明善題推蓬圖

青松陰陰間脩竹六月條然破炎溽梅花一味只宜冬
江上孤舟水邊屋筆端春信回孤根鰈綃淺抹玄霜痕
江南煙雨正愁絕一枝喚醒羅浮魂無聲詩生有聲畫
吟咏工夫見揮洒坡翁仙去二百春夢繞松風古亭下
茲花清致誰堪當孤山題品淵源長推蓬細認心淒涼
鼻端彷彿聞天香

題晴川圖

清谿粼粼生淺花
曉日倒射搖金沙
翩然雙鷺下危石
玉雪照影無纖瑕
溪邊小景入圖畫
青煙綠樹漁翁家
漁翁歸來歌未終
鷺絲忽起蘆花風
回眸遙望不可極
但見白玉飛青空
昔年夜宿瀟湘浦
徹曉不眠聽急雨
解衣曳杖立沙頭
何似今朝得容與
長安馬寒泥沒腹
雪滿朝衣凍肩縮
試令援筆題此圖
長篇應賦歸來曲

和王子英醉後歌

至人超六合造物期同遊
飄飄無根蓬蕩蕩不繫丹江

河罔知返日夕唯東流鳴鳩爾何為戶牖思綢繆人生
底用愁如織朝看朱顏暮無色何如生死兩忘懷日月
梭飛任交擲君不見秦皇入海求方瞳包括區宇推羣
雄沙丘輶輶鮑魚臭一世萬世今何功又不見班生投
筆踰流沙封侯萬里威遠加玉關東望不可入上書祈
請心咨嗟我生於人何所為死當身外亦誰悲烏鳶螻
蟻苦分別珠襦玉柙徒光輝不如生前賦詩飲酒放浪
山水間死與造物默默還同歸

二月二日大雪偶賦時寓州郭

東風吹寒春漠漠海氣作暝天昏昏空階夜落雪一尺
起看萬樹梨花雲詩翁燃鬚僵不死開窓強作飢猿蹲
欲呵凍筆寫清思甕中餘漉催頻溫山僧積財富畝
驅馳役事何紛紛木魚停搗磬聲絕但聽衙鼓趨公門
何如孤舟釣魚叟一蓑獨立寒江口

題黃中立樵雲卷

三衢仙人石橋奕隅坐野樵心自適不知柯爛歲月深

人世歸來已非昔越山客亦樵雲中碧山杳杳雲重重
香爐捫蘿春蒼鬱若耶涉水秋冥濛斧聲丁丁響深谷
猿猱鹿豕恒相從懷章太守歸故里讀書處士棲長松
古人千載不可見二公出處誰將同君於此計豈長往
草衣芒屨姑從容仙人倘還不須久歸來歌我樵徑風

姑蘓臺

吳宮築土山為趾俯視水雲三百里臺中歌舞萃華麗
金碧巘岼眩珠翠江花泛泛浮鷗夷會稽思霸甘卑辭

千金不買西子笑一舸竟逐陶朱歸丹砌草深麋鹿卧
淒淒棘露沾人衣闔廬丘墓虎為衛至今鐘磬聞餘悲
游人不悟國傾亡松間援筆題貞娘

朝陽臺

巫峰十二青參差石形儼現仙娥姿蒼藤翠木怯淒冷
精誠夜感襄王思仙衣縹緲仙裙濕雲影飄飄雨聲急
陽臺朝暮不勝情高唐想像愁無極夢中奇遇事杳冥
公子雕辭亦胸臆荒涼古廟屹江干臺空不見行雲跡

游人悵望尚徘徊古碑寂寞荒莓苔

戲馬臺

彭城負劍河為障南屹崇臺勢雄壯重瞳奮跡入秦回
諸侯攬轡皆東向酒酣蹙馬升崔嵬鬣翻鬣振雲煙開
倚鞭四顧示無敵指揮貔虎心雄哉黃金間行亞父去
帳下茫然失謀主楚歌聲合潰重圍昔日名騅空故步
十年積恨氣未消繞臺泗水撞飛濤

望思臺

金莖擎露空崔嵬湖臺築恨心猶哀
剖桐殞土事曖昧禍機元自長生來
壽踰大耄世已稀趙國儉人心傾軋
盜兵誅佞兩非是屈釐督戰猶驚疑
銜冤竟隕鳩泉里壺關三老言非遲
向無少卿護病已上林僵柳何緣起
空餘老淚滴紋甃斑斑相間苔花紫

鳳凰臺

萬里長江東入海千年高臺今尚在
當時誰道鳳凰來覽德何人足相待
鳳聲悠悠梧葉空謫仙文米流長虹

跨鯨一去不復返後人欲語羞雷同海上三山眇何許
羣仙騎鳳隔風雨登臨空咏謫仙詩白鷺斜飛過秋浦

洞庭秋月

岳陽樓昏水雲黑夜揭冰輪破幽寂浮光萬頃躍寒金
倒影一規沈素壁霜毫誰幻清絕姿毛髮增寒心辟易
何時鼓枻遂南遊散髮君山弄虛碧

平沙落鴈

駱駝水枯圓露甯橘洲霜清平似砥衡陽回侶羽翮疲

接翅連羣飛復止洞庭波濶菰米稀
弋人夜榜機心微
平明又為稻梁謀來看行迹空嗟咨

遠浦帆歸

長江萬里東入海南極蒼梧北踰濟龍驤萬斛駕洪濤
去日酸辛歸日喜畫師夙昔諳行色鵝溪半幅畱真迹
入門嫵媚各有懷誰念山巔望夫石

逢秋

高梧脫葉金井寒壁月夜掛朱闌干銀河萬里浸虛白

凌風欲訪衆槎仙
金壺箭水聲第一
畫角梅花聽悽惻
三山樓閣碧海涼
老鶴不眠清露滴

謝季仲容見贈

海風立水天空濛
瘴雲晝掩蓬萊宮
仙人跨鶴天姥東
歸來樓閣昏無蹤
九仙山高玉為戶
廣寒夜訪衆鸞女
桂香滴露夢不成
看徹霓裳羽衣舞
宮袍舞錦花翩翩
詩成毛骨生清寒
飛章贈我歸剡川
推蓬月在梅花邊

次王敬助見寄韻

琴書曾遠訪訪我海東濱對酒不成醉省花惟惜春青
燈書有味白眼世無人儘有畊桑趣翛然一幸民

又

祕圖畱滯日鄉思已淒淒黃卷挑燈閱紅粧掩鏡啼交
新情僂俛感舊恨低迷語及深知處應怜獨鶴棲

九月三日晚與鄭元秉對坐至日暮小雨後歸

宿偶成

歸人歸未得天際復生陰小雨濕官道清砧傷客心蕭

肥蘭蕙瘦雀語鳳鸞瘖坐對滎陽老空懷正始音

冬至前一日到游源及歸知元善亦自彼回途
中遇風不得相近偶成

夜醉重峰酒曉行游徑霜急風來廣漠初日在微茫交
臂恨相失思君還自傷翛然鷓鴣鷺質鷄鷺愧聯行

和來竺西見寄

歲暮重峰寺詩文喜共論暝雲昏疊嶂寒雨滯孤村別
後病翻劇書來身幸存藤枝肯扶老終扣月中門

沙縣小樓

半載客延平沙陽夢愈驚蛩鳴深巷靜月是半樓明故
國三千里歸途一月程西風在庭樹締綌不勝情

偶成

溽暑南州甚我來成感傷日長聊假寐夢短亦還鄉水
汲龍津淥茶烹鳳苑香長歌憶歸去屈指待清商

寄易禮弟

越客半年住閩溪千里流山高不礙夢日暮易為愁兄

弟終相憶鄉閭非所憂何當先隴側同理釣魚舟

送杜洲殷山長歸天台

殷肇土茫茫詩歌玄鳥祥建邦思得姓易代復賓王德
澤流千古雲仍徧四方深源還輔晉鄖國亦興唐奕奕
家聲遠綿綿世胄長天台存舊譜地望著清光教育文
辭贍漸磨道義彰移官杜洲曲開講楸山傍晚日臯比
煖薰風絳帳涼青衿諸俊彥綵服兩兒郎弟子堪棖楠
先生實棟樑羣飛迷翳鬱駿足識康莊歲月音書滿風

雲際會良伏龍終偃蹇鳴鶴自翱翔執友陳供帳攜家
上小航錦囊詩匝蒼玉佩鏗鏘壯志期高翥歸心馳
故鄉赤城霞粲粲秀嶺日蒼蒼巾子峰頭月瓊臺石上
霜暫伸懷土樂爰整好遊裝下捧薇垣檄遙霑楓陛香
公車應薦剡耆德動交章不日看除目何時舉賀觴佳
音如我寄魚雁在滄浪

簡王東臯

劍光飛射斗牛寒應笑予今缺更彈萬國梯航朝帝闕

千年禮樂付儒冠黃金用盡無顏色白髮交深見肺肝
重念蒲輪東魯客暮年名動漢朝端

送易直縣尹兄赴松溪

武夷山水最清佳路轉三衢未覺賒百里絃歌初作宰
一官琴鶴早辭家夜涼燈影連書屋溪近松聲雜吏衙
遙想政成閒暇日錦牋試墨品春茶

次鄭元秉陪劉同知謁子陵祠韻

畫舫秋江集縉紳公餘來弔故人魂子陵名節千年墓

丈叔雲仍百世孫
高閣清風生玉塵
空山涼月墮金尊
獨慙老朽無由到
只有新詩可共論

遊東山寺贈蔚東岡

東山景物吾州稀
蓮宮璀璨浮春輝
過湖人騎白雪馬
待客僧立青苔磯
花邊舉杯酒一斗
石上解衣松十圍
最愛東岡老禪伯
夜窓為我談玄機

次葉敬常編修危大樸檢討東湖嘉澤廟倡和

詩韻

太史文章星斗光
叢祠新製耀仙鄉
兩賢嘉澤千年在
萬頃清風五月涼
煙際樓臺澄晚色
雨餘蘭芷發天香
經筵簡討臨川彥
唱和尤聞感慨長

遣興

去年不死今年活
直語半生人不禁
老去謗書從滿篋
春來樂事總關心
觀魚濯足滄浪水
聽鳥支筇楊柳陰
我已無心叫閭闔
玉皇高拱紫雲深

重峰寺祈雨後柬李元善

麈尾高揮演大乘火雲不散愈峻嶒謾同三島吟詩客
閒訪重峰醉酒僧翠竹陰移涼夢遠碧蓮香散暮雲凝
歸途未即天瓢注猶有長風解鬱蒸

石倉歷代詩選卷二百七十

欽定四庫全書

石倉歷代詩選卷二百七十一

明 曹學佺 編

元詩四十一

黃鎮成

山中雜詩

山中春日長芳林翠如織
放意聊散步裊徊度阡陌
相逢耦耕人藉草成太息
雨歇清池深雲收暮山碧
野蔬

堪掇拾樂此謀朝夕故人天一方悵望那能即長歌發
中情且以慰疇昔

衛山亭晚憩

平池雨初晴日暮春水深殘霞墮空濶規月光已沈驚
波躍潛魚過影窺翔禽菱荷綠參差嘉木懸清陰但起
垂綸想遠生江海心小大固有殊放歌無古今

南田耕舍

離離南山田采采山下綠茲晨涼風發秋氣已可掬美

人平生親零落在空谷顏色不可見何由踵高躅我耕
南山田我結南山屋下山擷桑麻上山友麋鹿還肯過
隣家隣家酒應熟

暮春

風雨不出門人事頗周浹高齋誦金文虛晝了白業登
樓聊四望新翠滿林葉江南春欲暮日月如轉睫青山
猶故人浮世墮灰劫誰能凌汗漫長使幽意愜

石橋山

散策南山下逶迤登石橋五涉曲澗水兩山鬱嵒崑
緣度絕壁攀蘿俯山椒懸瀑瀉層崖冰華垂空飄盤紆
上石磴天梯颭回颭廁足得平地聳身凌丹霄入谷煙
霞深松竹聲蕭蕭會當發天秘剪此荆榛條結屋棲白
雲覽矚千峰遙土沃既宜耕山深仍可樵因之習天游
已足遠世囂悠然萬物表我隱誰能招

謝家山

結廬在南田已辭城郭謹山水未幽深擬謀泉石間野

父導我行同登謝家山緣溪入深窈絕磴窮躋攀憑虛
橫鳥道高回白雲關下瞰飛瀑流倚杖聽潺湲良疇忽
衍曠陽坡冬不寒盤旋得幽谷外密仍中寬松根有茯苓
竹本易成竿願與同心人築茅棲煙巒去市十里許
塵坱未能干食力中無慙傲然身世安

謝邊

衝雨來謝邊滑路霑泥塗舊隣忽相見畱我宿山居燃
薪燎我衣取酒慰我劬雖有骨肉親各在天一隅感子

勞苦意馬能念崎嶇

僧別峰所藏鄭子聲竹樹圖

空谷有佳人連蹇歲年暮清顏不可見香墨在紈素江
山澹微茫起我滄洲趣白石隱疎篁秋霜懸老樹天高
鴻雁稀水落沙嘴露上人心迹空對此了言句亦欲擢
孤蓬雲深不知處

江仲謙恒德堂

江君世令族家在君山陽君山四千仞上有白玉床雲

氣出陰壑靈苗產陽岡仙人時往來石室留禁方江君
往得之歸為恒德堂九轉空青砂沃以神樓湯散入刀
圭匕冬炎夏清涼天闕一以合吾心乃夷康四海患痿
痺齊民生痛瘡國醫敢束手忍視全膏肓大山多靈藥
食之可年長安得往從君吹笙住葯房

同御史鄭彥昭登丹臺韻

晨登鍊丹臺雲磴互盤曲五月居高明曠遠窮望目雨
洗炎埃淨涼風動梧竹遙峰明晚翠近瀨漱寒玉聯鑣

得驄騎杖策偶馳逐詩留紙上雲酒散樽中綠坐久獨
歸遲鳴騶出空谷

畏日

畏日不肯沒秋暑過於夏孱軀敞炎燄感疾未能瘥金
錢買藥裏寢處不遑暇每懷逃林泉無地安茅舍南山
在絕頂佛屋古松下流水挾雙澗清飈拂崇榭我欲往
從之僧榻仍可借俯觀塵世中揮手一高謝

苦熱

苦熱中夜起仰視天沈沈衆星失光耀雲霧生晦陰豐
隆亦憑凌霹靂聞迅音欲雨竟不成徒受苦熱侵人事
不可問天意識難堪安得金飈來悠然清我心

城西紀事

今日稍清適獨出城西村感時經喪亂風物異郊原林
摧見平陸寺破畱顏垣高亭化墟莽華屋成蔬園徘徊
在中路偶聽老農言新苗未入土田草日已蕃丁男赴
徵調期令集轅門况乃乏牛力苦辛難具論我聞增慘

愴無策拯元元身老不能耕焉敢飲盤飧

贈秋厓上人

開士黃金剎齊房白雲外尋師天台山柿葉寫經唄凌
晨餐正陽玉屑和沆瀣飛錫到城市刀圭起沈瘵逃名
師伯休隱顯謝流輩有時棲石室宴坐眞空界行藥度
幽澗秋雲濕霞佩我欲往從之高蹈塵宇隘他年嵩少
間揮塵一投芥

南田賡倪體中見貽之韻

中田日耕舍乃在南山陽啓戶見流水雲煙鬱相望風
昔江海心中年甘退藏躬耕聊寓情學道未迷方過游
隣里間藹藹粉榆鄉倪君妙篇什時同賦草堂山林各
沈困風雅俱淪亡慷慨但懷古迂濶空談王平生屠龍
術匣劍收光芒濟世得良賢不如君伎長救渾用寸膠
誰能振頽綱青山自秋色籬菊亦有芳隣家酒可貰白
稻炊新香陶然任天真高歌成報章

劉伯熙清溪圖

甃脫塵鞅繫結此清溪居偶從農圃隣時讀種樹書聽
瀑掃松石眠雲依草廬韜琴自無弦直鉤不在魚未知
穹壤間寵辱當何如

吳伯昭紅蓮綠幕圖歌

烏君之山從西來拔地萬仞青崔嵬劃然磅礴下江潁
林麓隱隱棲樓臺上有飛蘿罍喬木下有洪濤萬頃堆
紅蓮綽約泛渚淨綠幕縹緲臨湖開雲煙捲風島嶼沒
窓戶洗雨冰霜回高人自是青雲客日向湖亭賞山色

昔年走馬踏紅塵射殺南山雙白額今日綸巾羽扇間
獨面清冷飲冰蘂壺箭收投勝負空碁枰罷局機籌息
延陵公子昔稱賢畫手復見今道玄有聲之畫宜詩篇
為子作詩將畫傳

贈何萬里

瀧流繞郡山如戟黃茅峒深秋霧黑幽篁蔽空甍鬼嘯
絕磴下水沙蟲射生徭持刀跣雙足出入如飛踐荊棘
官軍相持不敢殺年年出峒來為賊何侯挺身諭厥渠

深入不用一卒驅椎牛醢酒拜縣令叱散部伍從降書
君不見伏波將軍征五溪瘴雨濕衣歸棹遲又不見令
公單騎喪虜魄萬馬不嘶邊月白古來豪士立奇功何
侯身老心力雄上尊襲衣拜賜畢歸釣白雲清渭中

題墨菊

江南九月秋風涼秋菊米米金衣黃近時丹丘出新意
却灑淡墨傳秋香青城學士曾題藻散落人間共傳寶
卷舒造化入毫端回首東籬自枯槁東陽傳君心好奇

何處得此秋霜枝湖湘衲子遠相貺筆勢迥與丹丘齊
香英細麝玄玉屑老幹拗斷烏金折不隨粉黛學時粧
自與幽人同志節淵明已逝屈子沈晚香縱有誰知心
感君畫圖三嘆息為君長歌楚天碧

李將軍歌

李將軍少年意氣輕浮雲青絲絡馬黃金勒寶劍錯鏤
交龍文十二高樓連廣道千金結客大梁門昨日彎弓
連白羽射殺南山白額虎歸來饗士酒千鍾自向青樓

按歌舞前年起兵從義旗
斬將陷陣身如飛上功幕府
久未報有酒不樂當何為

悲秋詞

長嘆復長嘆芙蓉落盡秋水寒
庭前百草枯爛死游子
日暮衣裳單白日悠悠歲將晚
江南水深波浪散鴻雁
不來江水長零落秋雲滿
江岸願天吹作凌天風吹開
白霧清暘紅願天化作炎天雨
物物昭蘓感天語

莫徭行

莫徭射生蠻峒谷窄袴短衣雙赤足前年應募作官軍
惡少如雲學裝束千村一過如蝗落婦滿軍中金滿橐
矛冠擊碎且勿嗔鄰寇不虞吾所託

分題送黃汝楫

冉冉孤生竹生在崑崙之嶰谷直筇離離出地深寒梢
蔚蔚參天綠竹高不受霜雪侵願君同保歲寒心竹管
可作簫韶聲願君吹作鳳凰鳴鳳凰鳴致時雍九奏方
知孤竹功

題達可大監游武夷卷

吾生有癖惟愛山夢魂長在溪山間秘書示我武夷卷
已似著屐窮躋攀武夷三十六峰碧煙雲出沒秋孱顏
丹崖翠壁千萬狀靈花異草何斑斑上有七層鬱羅級
下有九曲滄浪灣仙人騎鶴互來往但聞雜佩聲珊珊
紫陽夫子昔曾住傲魄鑿破浮雲關權歌一曲天宇濶
至今遺響在人寰桃花流出前溪去石門不掩春風閒
平林山色自無恙我欲與子聽潺湲

春日山行雜興

山郭晴光遠臨高逸興賒路經棲鶴地山入種桃家石
頂尋雲母松根飲雪花故人畱宿處朝飯有胡麻

又

山翁畱客住自說樂餘年日養分男舍春耕稅主田雨
泥朝過鹿山木夜啼鷓鴣黍煩相勞桃花出釣船

春雨南田書事

流水三椽舍桑陰五畝田飯香分野碓茶熟候山泉石

榻看雲坐谿窓聽雨眠桃花川上路應有釣魚船

又

瓜圃通隣巷柴門接野蹊賣薪歸早市行餉汲寒溪野
鷺山前落林鶯雨外啼客來渾不答孤絕正幽棲

鉛山早行

早起辭林館隣鷄已再啼月弦當戶直斗柄插山高細
濕侵蓑杖輕寒襲布袍前趨東日表五色動雲濤

三華吳宜甫桃谿雜詠

樓門依山外高居白日長樹陰浮石潤雲影入江涼宴
坐涵千古遐觀納八荒此時天籟寂虛白自生光

其二

舍外環麻圃千畦翠玉林補紉紅女意種樹逸民心夜
績分隣火寒機雜曉砧年年縈雨露衣被及人深

登南山蘭若

開基臨絕頂居與鹿為羣一逕落紅葉萬山生白雲石
梁秋蘚合茶竈午泉分此地多苓朮長應侶隱君

題紫雲山居

一宿南山頂仙九此地分河明疑有浪天近更無雲月
色初秋見泉聲徹夜聞紅塵飛不到日與鹿為羣

其二

樹老秋仍露山空晚更蟬雨添春藥水雲濕種瓜田對
榻僧長坐聞鐘客未眠自應麋鹿性疎散愛林泉

其三

伏日不知暑泉流山四圍竹風渾却扇松雨欲添衣逸

老為家好逃喧過客稀虛亭無戶牖冉冉白雲歸

其四

絕壑開闌檻遙峰展畫圖雪翻僧供鉢雲遶佛香爐接
板橋橫澗連筒水入厨杖藜行藥去九節餌菖蒲

其五

開士來何處談空夜坐分五山攜杖月三楚染衣雲塔
禮旃檀相臺繡貝葉文南峰尋道侶吾亦偶相聞

題朱澤民畫山水

與客浮湘水琴書共一舟
雲間雙樹曉天外數峰秋
指顧銷塵慮棲遲發櫂謳
未知身是畫明月滿滄洲

麻姑山

絕谷寒聲淺陰堂翠色交
搨書摩蘚石炊黍拾煙梢
瀑落投龍洞雲歸養鶴巢
未能招我隱何用解人嘲

東陽道中

出谷蒼煙薄穿林白日斜
岼崩迂客路木落見人家
野碓喧春水山橋枕淺沙
前村烏桕熟疑是早梅花

寄雷隱上人

最憶高人住翠微
萬岫千岫雪消時
林階月在行香早
石屋雲多出定遲
棲樹有僧留聽法
看泉無客和題詩
松關不鎖容相扣
定覓春山食紫芝

春日東行

青郊冉冉散晴暉
芳樹頻聞一鳥啼
山驛水流花落盡
石田雲暖麥抽齊
禪房鑿路當岫半
釣屋維舟近竹西
行過野橋人語近
尋源應到武陵溪

題秋江把釣圖

獨載輕舸過碧川一輪牽動楚江天
蘆邊有月還吹笛柳外無風不繫船
留火夜燃湘竹岫得魚朝送酒家錢
十年湖海眞知畫亦欲狂歌一扣舷

舟過石門梁安峽

書畫船頭載酒迴滄洲斜日隔風埃
一雙白鳥背人去無數青山似馬來
天際雨帆梁峽出水心雲寺石門開
同遊有客如高季授簡惟慚賦峴臺

送憲幕陳時中分題得平章河

海國猶傳利澤功，滄溟縹渺百蠻通。
潮來估客船歸市，月上人家水浸空。
析木星辰三島外，扶桑宮殿五雲東。
河梁此日重攜手，目送靈槎萬里風。

金原先壟之側得湧泉甘潔

山下流泉冷沁冰，洪荒開甕貯甘澄。
穴通海眼魚龍沸，波溢田膏雨霧蒸。
茶鼎夜寒分石乳，藥鑊春暖洗雲層。
尋幽有約煙霞伴，萬壑千巖擬共登。

西陵渡

日午移舟出隩隈
謹呼走趁百人回
潮依草岼痕初落
風拗蒲帆影半開
極浦海門生霧雨
隔江煙樹起樓臺
中流汗漫魚龍過
勇蹈危機亦壯哉

明州西渡

西垞津頭望海濤
揚波捲雨日滔滔
一江風起晚潮上
半夜舟行山月高
葭莢連空迷雪舫
魚龍吹浪濕官袍
乾坤不碍身如葉
我亦螟蛉笑二豪

章袁嶺

三華西上章袁嶺鳥道凌空最阻脩從龍雲氣皆在下
旋蟻天文如上浮花竹一家巢絕頂煙塵九點認齊州
欲尋王子營丹處玉宇高寒不可留

題定武蘭亭

繭紙香隨玉匣遺寶書天上世難知狼烽幾墮昆明劫
蟬翼猶傳定武碑曉雨苔花侵搗石秋山柿葉費臨池
東都已往誰能繼神物終煩謹護持

贈張孟琛

江海張公髯欲華每從吟屋寫梅花逢人處處能知已
作客年年易別家閩嶠午山生霧雨洞庭秋水落蒹葭
河源八月西風便天上還乘奉使槎

奉題章子漁白雲厓

越城高倚白雲厓厓下華堂向水開千嶂落霞秋樹老
一江疎雨暮帆迴清樽欸客梅文舉綵服娛親憶老萊
何日膏車從子去賦詩因上雨花臺

三山九日示克剛

九日南州尚滯留，高風寒鴈獨登樓。
自憐白髮難為客，欲買黃花只負秋。
南國美人鸚鵡賦，北庭公子驕驕裘。
不愁大地風霜苦，更擬吹笙過十洲。

虎溪三笑圖

栗里先生不鼓琴，偶攜明月到東林。
白雲滿地蒼苔濕，流水一山春雨深。
歸路已忘言外意，過橋誰識笑時心。
人間俯仰成陳迹，傳得高風說到今。

鼓山靈源洞

劣崩峰頭萬丈梯上方高與白雲齊青山盡處海門濶
紅日上來天宇低喝水無人空宴坐摩厓有客謾畱題
飄然欲御長風去一笑何煩過虎溪

乙亥閏十二月重改仍至元

玉殿垂衣儼典墳喬雲承澤浹乾坤歸餘不數秦終閏
紀厯重瞻漢後元萬里畊桑環海域一溪漁釣老煙村
願聞龔魯為州邑亦欲承風造羨門

辛巳還光邑祖居上井約江少府同到

東井田廬故業非十年風雨寸心違江湖水濶冥鴻去
城郭春深化鶴歸桑梓盡隨黃壤化松楸空望白雲飛
梅仙此日能相約竹杖相攜上翠微

秋風

秋風淅淅生庭柯蕭蕭木落洞庭波紅樹夕陽蟬噪急
白蘋秋水鴈來多王孫不歸怨芳草山鬼欲啼牽女蘿
蒹葭蒼蒼白露下望美人兮將柰何

錢塘

雨過高風發屋聲吳中暑退即寒生晴光入眼園林薄
夜氣侵人枕簟輕寺鐸呼風宵自語隣機織月曉猶鳴
江湖處處悲秋客起東歸裝不待明

題林處士故居

先生勝隱得孤山小艇沿湖日往還自愛煙霞居物外
豈知名姓落人間鶴無過迹苔痕老梅自開花月影閒
表墓有銘祠有真高風千載更廉頑

贈葉山人

仙巖溪上葉山人手佩青囊太古文
北極地從林邑下南條山到蜀江
分尋源屢識蛟龍宅探穴長隨虎豹羣
更約秋風清霽日與君高踏萬重雲

贈曾鍊師

聞說玄都會鍊師曾從海上識安期
游山採藥辭家早掃石看雲出洞遲
醮罷每棲雙鶴樹丹成時浴九龍池
長年別有壺中樂消得仙人幾局碁

送伍元如赴烏蒙右文教授

西去烏蒙幾驛程平生江海壯遊輕
牂牁水入蠻雲暖越舊山連楚樹晴
已載國書通累譯更推王道淑諸生
他年聽說殊方事綠髻相看畫錦榮

用鷺峰師韻送澗泉上人遊方五首

天台上綵虹橋山下桃花帶露飄
仙客雲霞迷舊路化人宮殿現層霄
穿林夜氣香為葢冠嶺晨光錦作標
若到上方應駐錫遙聞法鼓動春潮

右天台

潮音海洞石盤陀送子東遊柰別何日上扶桑天不遠
雲連析木地無多水王獻寶開丹穴星使通槎泛白波
見說蓬萊清淺處便從鵬翼起秋河

右盤陀

身隨衡岳片雲來南極朱陵洞府開八桂山川臨鳥道
九疑風雨濕龍堆使華今日嚴珪幣祖印何年剪草萊
直到無生叅學畢逢人遮莫說輪迴

右衡岳

去禮文殊寶刹開倚空巒岫鬱崔嵬金函奉旨傳香至
白璽圖形載法來心鏡象懸天外月教筵獅吼地中雷

還將拂子閒拈起更上繙經第一臺

右五臺

峨眉樓閣現虛空玉宇高寒上界同
茶鼎夜烹千古雪花幡晨動九天風
雲連太白開中夏日繞重玄宅大雄
師去想無登陟遠祇應飛錫驗神通

右峨眉山

富沙道中

溪上北風天雨霜野田高下散牛羊
前村落盡烏桕葉三數人家在夕陽

谷口

谷口橋邊日未斜
先尋宿處近梅花
分明聽得吹長笛
祇隔紅欄第一家

其二

谷口橋邊尋隱君
山中幾時耕白雲
清霜滿天柏葉赤
石上水聲絕夜聞

春山行

道人閒住集靈壇
春日尋君一里山
行到竹房燒藥處
仙家家在白雲間

其二

門外山童掃落霞
問師還只在山家
推窓引客雲邊坐
自扇風爐煮雪花

其三

天上香風拂彩橋
雲霞宮館鬱嵒堯
行從白鶴山頭過
吹動仙人紫玉簫

於越

沃土連雲富稻粱
十年生聚信能彊
扁舟不見鴟夷面

獨上高臺弔越王

會稽山

安邑茫茫宅上都東南萬里播鑾輿遙觀禹穴雲如海
玉帛繽紛上計書

春山程鍊師山房

春山道士長辟穀自斲芝田種白雲昨夜石壇明月冷
一聲長笛半空聞

南田夜雨

四簷春雨夜浪浪記得吹笙近竹房三十五年江海夢
又隨歸鴈過瀟湘

南田耕舍

跨鶴來尋處士家迢迢空翠隔煙霞山童揖客松邊坐
却背春風拂落花

其二

行到長松野水間吹簫石上不知還嵐光已重衣裳冷
目扣巖扉月滿山

李中明秋山小景

家住夕陽三峽口
人行秋雨二嶠間
不知何處真堪畫
移得柴門對楚山

和周凌雲秋日光邑山行韻

閩嶺秋深水樹涼
原田耕穫歲時忙
無人畫得農家樂
雨過青茨白稻香

樵陽雜詠用陳教周東圃韻

歌權曾窮九曲源
精廬迢遞隱屏前
閒尋五曲樵溪上

三十六峰秋蒲船

其二

羽客丹成去此臺猶聞笙鶴夜歸來
幾回欲問臺邊月
晴雪梅花冷自開

其三

山外斜陽紫翠浮相輪無影半空秋
晚鐘吹落人間去
一抹青煙澹未收

謝子安之江右求葬師

千壘間關覓葬師青山多在白雲西
秋風滿道吹紅葉
何處逢人問楚溪

其二

家在煙嵐五縣間
碧榕橋下水潺湲
朝來雨過秋如洗
寫出江南一幅山

雲山小景

飛瀑潺潺瀉碧岑
野橋分路入雲深
三椽草屋長松下
應有先生抱膝吟

李遵道枯木竹石圖

老樹槎牙倚半空
蒼筠葉葉帶秋風
欲將歲晚論心事
遙憶美人江水東

楊子輔村樹小景

叢竹磯頭晚泊舟
雨篁煙樹隔滄洲
美人無限瀟湘意
分得江南一片秋

三華道中書所見

秋雨纔收水沒沙
昇平漸復到田家
村村曬白蠶猶繭

處處吹香稻正花

鄭克剛雙松圖


老幹懸霜紫翠分一山風雨半空聞
攜琴欲掃苔根石為寫秋聲寄白雲

南田自述

泰華浮雲連日觀江湖夜雨水浮天
老來但覺身無繫閒伴山僧對客眠

題王元善赴北清江新雁圖

江南春水拍天齊鴻鴈成行向北飛未必雲山便相隔
秋風還帶夕陽歸



石倉歷代詩選卷二百七十一

欽定四庫全書

集部

石倉歷代詩選卷二百七十四至

詳校官庶吉士_臣龍廷槐

侍讀_臣孫球覆勘

總校官進士_臣朱鈐

校對官主事_臣張慎和

謄錄監生_臣李世麟

欽定四庫全書

石倉歷代詩選卷二百七十二

明 曹學佺 編

元詩四十二

劉躍

和元衡園居

林竹生涼颼井梧響疎雨層軒臨清池寧知有秋暑益
簪得良友高標宛霞舉閒時不易得信是天所與揮毫

總詩流飛觴皆酒侶一醉能盡懽百罰諒無恕慨彼松下墳衣冠已塵土及時不為樂他日虛延佇

陟思樓為雅言先生賦

孤墳負巷阿高樓屹相峙悠悠陟岵思豈獨霜露履所思維伊何嚴親不復起得祿已逮養捧檄為之喜厭世忽如遺千秋閔蒿里辟踊恨無從危欄不堪倚啼鳥落月邊歸鶴秋雲裏煮蒿一淒其恍惚既覲止巖巖武姥山湜湜汶溪水水竭山可移我思害云已

慕陶處士室

有美高世士負巖結茅廬四壁清風生簞瓢恒晏如時
當荷鋤倦一醉樂有餘素琴亦在御聊復讀我書豈不
念窮獨周道摧高車永言勵貞節金石矢靡渝仰止彭
澤翁邈哉誰與俱

園樂為國賓先生賦

君不見金谷平泉恣歡謔異石奇花成海嶽寧知富貴
生百憂一旦荆榛總寥落灘江先生隱者流數畝荒園

即為樂瓜畦新雨長更鉏橘井青天甘自鑿生意隨時
灌野芳餘香暇日收仙藥倦來佳句獨長吟醉裏濁醪
還更酌不讓習家兼有池絕似溫公乍居洛前年丹詔
急賢良高卧白雲辭好爵東隣公子帶橫金北里老翁
田負郭從渠五鼎厭珍饈自分杯羹飽藜藿世路風波
不暫停柴門煙月應如昨我亦江湖垂釣徒直鉤兼恨
多蛟鱷明當抱瓮托幽棲尺書先寄東飛鶴

靄翠樓為用極賦

高樓別起東山麓嵯峨下瞰秋池綠水光山色映疎簾
空翠蒲樓如可掬樓中美人丞相孫胸盤太極探天根
慣抱金樽醉明月時將玉笛呼流雲面面錦屏開疊嶂
掩映浮嵐千萬狀雲霧軒窓十二闌蜃氣疑逢瀛海上
清風六合生衣襟冰壺不受紅塵侵丹梯倚天一千丈
未許俗客輕登臨慕陶先生鳳巖老題品雄詞出天藻
至今黃鶴擅芳名太白從來讓崔顥

顯翁梅隱因同醉仲廉酒邊索詩追寶鑑上人

一酬燒笋之約

昨者春雷震丘壑滿林新笋紛交錯初疑平陸起潛龍
穿破苔痕爭露角相高已羨出牆陰多罅還能鋪院落
風流公子厭羶葷疎狂野客嫌藜藿已分惠炬辦行厨
預儼長鑱兼短鑿入門不問主人誰徑造只因思大嚼
上人自是禪林英心鑑圓明透空覺玉版能容句裏參
渭川肯付胸中著不須煮簞欺使愚何用為橋防盜作
文圭勝事良可并干木高情宛如昨暇日同為看竹遊

綠垂空嘆顛風惡

梅村歌為金溪王用霖賦

王先生有高趣家在梅村最深處清溪一派遶孤村種
得寒梅千萬樹年年凍雪封林園羣木生意俱斬然忽
驚一蕊破香玉直與天下春爭先繁花爛熳相高下彷彿
枯梢晴雪亞光涵冰樹不勝秋影入瓊林欲無夜先生
巾屨獨行吟看花繞樹窮幽深奚奴不覺錦囊重發
興兼有龍蛩吟笑殺西風明月冷負却暗香與疎影絕

似羅浮仙者流妙處無言心自領伊誰醉墨圖銀牋一
段風流千載傳摩挲老幹如何掇竹籬茅舍窮清妍只
媿平生困塵俗勝賞何由寄遐躅援筆往來賦廣平分
我花陰半間屋

憲翁送別會文洪都之行酒邊索賦

迢遞西江路炎蒸六月天蒲萄香滿甕楊柳綠當筵爭
訟趨王烈飛書羨魯連龍光南斗際鷁彩北風前金縷
高歌續瓊樓列宴聯寸心隨去棹雙眼望歸鞭池沼游

魚樂雲霄別鶴騫紫荊看復合勝事照青編

奇石為廣大賦

相對憐孤石由來出四溟一峰支瘦骨十穴見奇形空
洞含天趣巉巖毓地靈鰲移愁重負龍擘帶餘腥巧斷
慚羣匠神鞭謝六丁晴雲時吐白陰蘚間書青花木恢
餘地琴書列廣庭願言題琬琰珍重列圖經

二十一日餞別周子林毛節靖諸賢良就和

天書催召莫淹留擊節高歌送遠遊夜月十盃桑落酒

春風萬里木蘭舟
早分厚祿娛親壽
莫為啼鵲動客愁
行綴朝班銷玉珮
正當春色滿皇州

和伯川韻別羅子實

鷗沙贏得醉時眠
爾汝論交賴子賢
老我甘為田舍客
故人原是玉堂仙
南來雲挾孤村雨
北上風高萬里船
極目滄洲最深處
斷腸分手隔晴煙

中秋夜以安侄舉酒待月詩呈李思遠

萬里陰雲鎖太空
望來明月未生東
松花酒壓槽頭雨

桂子香飄屋角風自愧不才孤鳳詔應知有路到蟾宮
阿戎盛賞符佳趣却喜冰清屬此翁

讀書樓為侄以安賦

阿咸新起讀書樓十二欄杆五月秋萬卷煙雲香墨潤
一燈風露碧窓幽新題華扁迴鸞鳳高捲朱簾近斗牛
不用金籬遺孫子好傳鴻寶繼前修

寄王子琛

號石門
隱者

每憶會稽王子敬幽棲長在石門深狂歌獨醉花前酒

清賞誰聽竹下琴萬里雲霄歸雁斷一溪風雨卧龍吟
杖藜有約高秋候翠壁題詩許共尋

和送石維高之泉江

愛君吟思浩無邊眼底交遊最少年開口已誇成玉唾
論心偏得醉金船鳳凰瑞世鳴初日鴻鴈排雲上遠天
此別但應勞夢想高標梧竹淨娟娟

石笋穿雲

巨石何年削雙笋亭亭屹立大江潯參差兩角穿雲直

卓犖孤根入地深
砥柱不愁風浪折
玳簪長被雨苔侵
高標彷彿蒼洲陌
何日還應見蒲林

蓬島秋聲

蓬島幽偏一徑深
秋聲瑟瑟夜沈沈
清風捲地鵲驚起
明月滿天蛩亂吟
四面波濤翻大海
一時松竹動喬林
夢回開戶無尋處
寂寂誰知太古心

沙渚鷗盟

平沙白日渚初晴
好共羣鷗訂舊盟
斜日荒涼雲影落

清風浩蕩雪衣輕海翁坐對應相狎山客行隨亦不驚
却笑當筵賦鸚鵡疎慵久已謝浮名

良月宴于棲遁處賦殘菊

菊殘猶有最高枝棲遁齋前足自怡深夜雪霜金鎖碎
清晨風雨玉離披魏公不負題詩好陶令空嫌送酒遲
憐爾秋香渾未減淦英回首更何之

與自觀同醉因和對菊韻

東籬移得兩三枝坐對晴軒可共怡瑞湧黃雲花爛熳

香生翠霧葉離披奪袍爭羨畱題蚤連榻何妨醉卧遲
痛飲莫辭酬勝賞明年高會更難期

平床翠黛

好山當戶削平床彷彿睂橫翠黛長月鏡高懸雲影淨
蘿衣深掩露華香不妨醉客移春夢絕勝佳人試曉粧
雷電六丁如可掬為君移向讀書堂

花巖錦屏

百花巖上春無限醉眼初驚疊錦屏晴日影搖山竹翠

晚霞光映石苔青只疑雲母裁初就應想天孫織乍停
何用石家誇步障共省千載倚青冥

梅魂

歲闌猶見數花存一氣神明實所根游息每隨寒月白
往來應結暮雲昏蒼龍卧隱呼難起翠鳥鳴幽凜似言
坡老有詩招不得斷橋流水自孤村

題無詰沅湘蘭竹圖

兩竿翠竹拂雲長幾葉幽蘭帶露香好手移來窓戶裏

不須千里望沅湘

寄賀冲霄昆玉歸

好是萬金難買處無瑕雙璧並歸時
蕭齋風月應如舊
飛夢聊因慰所思

毛女圖為用極題

輒道蒼茫異古今長鏡相伴坐巖陰
玄猿獨挂危梢底
照影清流契宿心

其二

老蟾光怪射寒虛兀坐相看撇短鉏移得山花偏帶土
武陵春事近如何

石倉歷代詩選卷二百七十二

欽定四庫全書

石倉歷代詩選卷二百七十三

明 曹學佺 編

元詩四十三

吳萊

同喻國輔題人溫日觀蒲萄

佛者本西域蒲萄亦西來奈何此善畫無或渠所攜我曾考其故初與漢使偕上林乃有館蔥嶺何須梯天時

自不同地氣忽以迷結子且磊磊懸藤更高低先幾日
已露薄德不及稽終令白氈像遠從雙後貌從茲故國
木伴爾禪家栖幽心恍有得爛墨研為泥宜哉一揮灑
遽若無町畦依稀可少辨變作天投蜺萬古空朔色南
山竟朝躋畫工尚逸品遊戲徒筌蹄豈伊吾無人桃李
總成蹊

皂角林觀劉錡戰處

東都何慘澹南土劇蕭騷往往隳戰鬪於焉出英髦為

君竟如寄立國已不高家供敵人賂歲奉使客艘乾坤
忽掀簸城郭皆動搖狡兇手可撓長蛇心更饕精熒金
鎖甲翕絕橘紅袍厲矛終挾腕投鞭遽填壕云何大兵
壓尚謂和議牢白波橫天險清野捲地毛將營皂林斫
軍艦采石鏖大星遽崩殞滄海爭遁逃向非斯人在久
矣淒煙蒿龍虎空野競狐狸遂寒嗥信史猶未著奇功
果誰寢因之懷舊跡一弔楚江皋

大食餅

西南有大食國自波斯傳茲人最解寶厭土善陶埏素
餅一二尺金碧燦相鮮晶瑩龍宮獻錯落鬼斧鐫粟紋
起點綴花槎蟠蜿蜒定州讓巧薄邛邑鬪清堅脫指滑
欲墜凝瞳冷將穿逝哉賈胡力真致鮫鰐淵常嗟古器
物頗為世所捐襍衫易冠袞盤盞改豆籩禮圖日以變
戎索豈其然在時苟適用重譯悉來前寰區幸混一四
海際幅員縣度縛繩紉娑夷航草船鑿空發使節隨俗
混民編漢土堆積筍蕃羅塞鞍韉城池信不隔服食奈

渠遷輪囷即上據鼎金疇能肩抽葩奪豔治盛酪添馨
羶當筵特見異博識無庸詮藏之或論價裏此猶吾氈
珊瑚尚可擊磧路徒飛煙彼既歸互市我且置枯圈角
貓獨不出記取征西年

時儼

古人重儼疫時俗事禳穰歲陽欲改律與鬼寢耀鉅厲
神乃恣肆魃蜮併猖狂倭僮幸成列巫覡陳禁方虎頭
眩金目玄製炳赤裳桃弧毆菑沴豆礫斃瘴剛八靈咸

震惛六合高蹇張清寧信不容動靜維吾常世塗頗險
盃人魁更跳梁狐鼠戴分幘變魑竊香囊煎熬到骨髓
擊剝成疔瘍乘風作國蠹抵隙為民殃自從九鼎沒誰
使百怪藏瘡寒服褫帛飢竄食閒糧蘆花敝汝體楮栗
饒吾腸地膚竟捲去天孽俱凋傷神荼欲呀啖蟠木蔓
不長蒙俱強顏貌枯竹無耿光聖言謂近戲五祀徒驚
惶惜哉六典廢述此時儺章

觀隋王度古鏡記後題

王家有古鏡軒氏昔鑄成太乙來護治玄冥與儲精日
月鍾璀璨龜蛇助威獰萬靈吐真水全體洞太清綵奩
出未半冰片弄光晶寶匣收不動玉麟聞叩聲有身尚
變化無翼欲飛行恍然百世後流落汾陰城高士觀即
賞胡僧識還驚金鉛拭膏澤經碧穿屋楹牆垣照可撤
臍腑燭能熒涕泣念鸚鵡悲酸逢豹生一朝忽屏迹六
幕黯不明狐狸逃隱現魑魅莽縱橫皮膚峻刮削骨髓
窮敲榜雷風儻有作厲虐敢紛更嗟吾幸居山猿鹿與

我爭嗟吾願渡海鮫鰐恐並迎楊氏雀環在張公龍劍
并因茲訪洞穴得不振冠纓

憶寄方子清時子清久留吳中

一別嗟何處相思撫舊蹊月明施瀨北雲起蠡巖西跋
涉舟車動過從笈篋攜隣光因借燭道味肯吹壺好學
螢分照論交雁擇栖丘園心薜荔海國氣鯨鯢卷帙籤
翻蠹謳吟研發蠶經筌參老易樂府錄鏡輦治法推周
稼淳風仰漢綿談玄知野馬考字守家雞土域標鞮象

天圖辨斗奎遺文多廢墜妙契極端倪獨樹盤桓久平
蕪眺望低霜林紅玳瑁霧雨碧玻璃屏跡依狐兔銷愁
對鷺鷥塵書投梵夾美餉挈童鐫榭葉時遮峒藤梢或
胥谿龍居睨雪瀑虎路躡霞梯出入恒聯袂追隨幾杖
藜竹山香嶺嶠花島繡湖隄尚義開黌始延儒振席齊
生徒脩棗脯祭品授菹鶚錦石看還數蒼松倚却題吾
伊朝屢集渾灝夜同稽自謂菖為歎人疑穀似稊中悵
眞抑鬱外物總筌蹄歲序空流邁波濤益慘悽故袍寒

擘繭雄劍滑膏鵝綠映牽帆水紅黏曳屣泥娃宮釵鈿
拾甫里筆牀齋鶴市歌喉引鱸鄉鱠手挽吳趨誇粉黛
越產購珠犀富業連橙園菑霖潰稻畦占歸仍浩渺結
客重酸嘶彼此身如寄參商夢欲迷蓬飛甘掃軌桂落
得通閨俠眼收丹電仙襟化素霓貧期金埒騁賤許玉
階躋病矣長憂痼間哉敢恨睽撈除須爾鐫磨刮更予
篋本欲睇王貢茲猶慕阮嵇猖狂疏奏牘軟弱謝耕犁
習靜求神悟超羣畏俗擠清琴桑有鯉鉅弩蹠非魑教

駕傳銜轡觀隅識橈枅耜芝鷺受謫抱璞踰閭蹄性命
緣窮鬼功名屬嬖奚悠悠鸞與鳳泯泯鹿將麋白谷今
安駟青霄古執珪毋寧長隱逸辛苦等黔黎

小園見園丁縛花

我嗟衆草木高出凌雲端叢生或滿地品彙可不完山
園我栽時作此小屈蟠龍頭何其蠢鳳翼乃若干胡然
贊化育任意騁雕刻勾萌欲傍達節目終液楠縈迴挾
煙彩刻剝獻雨癰立身既不直生理寢凋殘春陽彼一

時花發黃白丹歌謳雜舞吹酒炙飫栢歲晚忽焉至
北風吹汝寒皮膚早蝟蝕骨髓懼枯乾聖人治太平萬
國無不歡視民本如傷動植總相安刑名威雪電劒戟
血波瀾廟堂苟失策閭里轉窮殫彼哉灌園子此况儒
爾冠人生但心勦若處得體胖我方即移汝前有蒼蘚
壇世非郭橐駝何以垂鑒觀

樓彥珍北遊京師予病不及往餞歲晚有懷并
寄彥昭浚常

日晚北風起少年方遠遊徘徊上谷塞眺望黃河流崢
嶸十月冰朔色壓九州熒煌大明殿御道接龍樓時巡
向灣水臘雪擁薊丘前驅鸞鳳旗後乘貂鼠裘尚食豐
宴飲教坊樂瑩篴百官散城邑駝馬盡歸休自今帝王
都想爾觀覽周却疑書傳間不謂秦漢優何家非許史
無客不收鄒投輪即雨集揮袂遽雲浮東航扶桑陰西
竿崑崙陬變化指顧異葛荒立談收文物彼洛襍土音
吾越謳私將竊祿志勇赴隨陽謀隨陽即澤雁竊祿豈

梁鷺美玉獻劍垠精金鏤恭鞬出門亟裝束行路肯滯
畱布韋謾老耄鄉里惟田疇功名幸一遇螻螳尚公侯
學問敢強飾黍稷待耒耨當令竹帛上直與先達侔毋
使螢爚光肅然寸草秋嗟予久抱疾餞酒弗及驚念爾
忽萬里征夢或見求宣生頗俊逸鄭子復綢繆趾高有
捷步胸正無昏眸早看拜家慶共許動宸旒傳車定不
碍關鑰便若拙杏花開如錦楊柳滿陌頭去時小兒女
來詫眞驊騮

病起讀列子真經

世間豈有極海外猶齊州日月更出沒江河却同流夸
娥追即死章亥步曷周螻蚋生不久鯢鵬背吾遊神瀟
湧滋穴巨鼇戴蓬丘想像或可到徘徊獨懷憂南方祝
髮裸北國鞬巾裘逍遙特爾分智者善自謀

其二

神巫善相人壺子如濕灰扁鵲巧發藥李梁病弗治一
形苟脫落純氣固委蛇隨火出石壁泳珠沒淫隈彼或

蜩翼得此猶漚鳥疑中心既怵殆外物盡坑谿幹殼即
木葉皮膚類嬰孩遠矣列姑射吾為縈啓期

其三

此日忽過隙居人恒鮮歡毫毛恙為我體節欲求完大
盜竊名爵小廉捨豆簞熊魚徒兩得利義肯兼安馬醫
自不辱燕枝毋容干時勢苟未至事功良獨難蕭條白
麻履慘澹青鮮冠長嘯答鳴鶴北風江水寒

山中人

白日出復沒胡獨勞我生所務在卒歲朝夕強營營當
春治農器土脈亦殫盈薄言菽黍稷庶以觀其成涼風
一披拂場圃如坻京凍戶猶畝首康衢或歌聲于茲尚
不給野有菜色氓毋寧拾橡栗起視牀頭瓶

又

貧賤素所有豈辭辛與勤清晨腰我斧往伐西山薪高
巖屹巨壑蛇虎氣逼人衣裳既不完出入在荆榛日日
一接淅釜甑恒生塵白石幾時爛青煙空蒲林家徒四

立壁冬令方行春亦有偓佺子翛然為世珍

和陶淵明詠貧士

上天無停曜日月會降婁山林少過轍二鳥鳴相酬亦有五米鳳飛來為岐周姬公世不作白屋多懷憂逢時倘一用華士非吾儔函谷空逐客傳巖乃旁求

其二

人生自沈靜豈得意非干宜哉揚執戟三世不徙官窮冬無完褐盡日止一餐美芹終不獻晨曝尚餘寒手種

老松樹蒼然霜雪顏政爾有佳思清風吾掩關

其三

舉世尚馳騖飄如風中蓬上書爭眩鬻言語自稱工誰
歟持清節乃見楚兩龔黃塵隨手拂白日與心同有榮
方覺辱無屈豈求通誓追遼海鶴插翅以相從

夕泛海東尋梅岑山觀音大士洞遂登盤陀石
處及東霍山回過翁浦問徐偃王舊城

起尋千步沙穹石塞行路怒濤所縱擊徒以頑險故卓

我梅子眞與世良不遇上書空雪衣燒藥迴煙樹玄螭
時側行縞鶴一迴顧從之招羨門滄海晝多霧

其二

茫茫瀛海間海岬此孤絕飛泉亂垂纓險峒森削鐵天
香固遙聞梵相俄一瞥魚龍互圍繞仙鬼驚變滅丹航
來旅遊鐘磬聚禪悅笑撚小白花秋潮落如雪

其三

遙觀杳無極宛與東霍隣悲夫童男女去作魚鼈民紆

嶼尚餘聚蓬山寧爾神古棹苔駐跡仙枰竹祛塵短褐
徒為拂飛槎邈難親好攜支機石去躍織女津

吉祥寺

一昔逢寒食行吟採物華風生敲檻竹雨濕墮船花曲
塢青龍樹長灘白鷺沙回看江上水直去到君家

秋夜效梁簡文宮體

無奈涼夜永起登樓上頭鵲翻金殿宿螢近玉階流梧
桐老葉恨芙蓉新藥愁婕妤團扇上那得不驚秋

又

曾是昔年寵如今誰與同
秋獵長楊苑夜幸猗蘭宮
瓊杯香泣露翠袖薄禁風
將心與明月流入君帷中

一笑

一笑長竿折徒憐大海魚
文章猶醬瓿塵土只鹽車
白日燕臺劍清風禹穴書
上林誰獻賦愁絕馬相如

早秋偶然作寄宋景濂四首

我病三月久問言此何時
山林日搖落草木欲變衰
忽

來臨青鏡何故摘白髭千里復萬里遠哉鴻雁期

西風吹梧桐一葉兩葉積故書翻有塵雄劍挂在壁時
違甘窮困事到即輝赫除却雙鹿行門前少人跡

悠悠秋夜長夢覺秋月霽有才寧及人無學敢求蛻揮
來河水絃削作泰山礪吁嗟祁孔賓得失毫髮際

往者東入海飄然任所如大風戕波浪飛雪灑舳艫壯
志昔尚少狂遊今併無誓登盤陀石重望扶桑墟

歲初喜大人回自嶺南遂攜兒謬北行送之

乍喜吾親返還攜稚子行風沙千里道雨露九重城舊
帆江潮遠新裝嶺瘴清長秋官屬盛去可接簪纓

其二

此去知何處飄然惜爾年塵飛馳馬埒雪擁讀書氈日
觀躋攀外雲臺獻納邊文園寧久病須奏上林篇

西域種羊皮書褥歌寄李仲羽

波斯谷中神夜語波斯牧羊生計苦當道剗刀羊可食
土城畱種羊脰骨四圍築垣聞杵聲羊子還從脰骨生

青草叢抽臍未斷馬蹄踣鐵繞垣行
羊子跳踉却在草
鼠王如拳不同老飫肉筵開塞饌肥
裁皮褥作書林寶
南州俠客遇西人昔得手褥今無倫
君不見冰蠶之錦
欲盈尺康洽年來貧不貧

杜鵑行

南山北山啼杜鵑杜鵑花發山欲焚
千枝萬朵惜未得
中有一抹巴陵煙休說銅梁并玉壘
搖蕩春光餘淚水
五丁鑿路少人行石鏡生塵妖骨死
東風青鳥來何處

中宮移植銷魂樹不如歸去便歸家誰其友者楊州花

畫馬行

涼秋八月霜皓皓白雁驚飛散蓬葆川原蓄牧萬馬來
揚鬣僣蹄齟枯草漁陽突騎自有真奚官剪拭傾城闥
素絲結轡美無價繡罽披羈驅向人當塗奮擲甚崛壯
一旦紛騰入天仗父老東城接鬪雞蠻兒內苑隨調象
煌煌京洛鳴和鈴奔走萬里如流星筋力追風烏鵲厲
精神噴霧蛟龍冥徃年踊躍將一跨寂寞而今空見畫

黃金鑄式猶崢嶸多少地上麒麟行

江南曲寄周公甫

東風吹人十萬里青蘋花發前湖水江南女子木蘭舟
却採蘋花泛流水水流花發春光好失時不採花應老
年少吳儂歌懊惱白晳容顏半枯槁倏然來去雙彩鳬
化作汝烏穿雲衢汝珮復解江妃珠龍宮蛟室本不隔
相期更有瀟湘客

荔枝行寄王善父

炎雲六月光陸離人在閩南餐荔枝荔枝日餐三百顆
紅綠亞林欺衆果絳羅繫樹蠟封蒂尚食擎盤獻青瑣
涪州歲貢與此同意昔移根來漢宮天生尤物不用世
沾灑蜚雨吹蠻風蠻風蜚雨振林藪西域蒲萄秋壓酒
勸君莫近楊太眞傳說驪山塵汙人

明月行寄傅嘉父

上天有明月來自滄海東蠻潮夜捲馮夷宮海門一線
驚欲射江面樓臺聳千尺冰岼雪崖屹不動水犀組練

皆勑敵越人善泅技已癢明月光中吾得賞飛來白鶴
晉清角跳出長魚漢疎網北風吹起蘆花秋笑撫錢王
鐵箭頭襍衣枕斧此何處烏鵲無枝空繞樹

二月六日雨書都城舊事

燕南趙北吹黃塵九天宮闕生紫雲十二門開衢路直
畫輪驄馬多行客歲寒殿外柳纔青金水河邊冰尚白
雞人傳漏放曉朝文石分班押百僚南陽近親最舞蹈
京兆耆舊爭歌謠教坊供奉飾玉女鐘能鐘聲鼓能鼓

錦來西蜀被玄駝肉出太官殮猛虎初日扶桑稍照人
內筵錫燕杏花春沫犢駢牲泰時祀鸞旗翠蓋驪山巡
東風萬里飄寒雨我昔所聞今不睹快然呼酒擊唾壺
茂陵徐生曾上書

姑蘇臺歌寄方養心

姑蘇臺南閭闔開姑蘇臺北鴻雁來春花秋月幾時好
步屢尋香去如掃冤胥憤血空海潮老滯妖粧又煙草
少年為客誰我令千里汝猶談一經黃龍挾丹夜有雨

白虎司劍天無星山中菖蒲十二節未肯落盡青頭髮
姑蘇臺上愁殺人身在勾吳望勾越

烈婦行

落日沈海雲壓城官軍多載婦女行大弓勁箭自山下
顏色如灰愁上馬我生不慣生馬駒存者吾子亡吾夫
母寧完身吐玉雪忍使餒肉當熊羆青楓嶺頭望回浦
血指畫巖心獨苦老螭扣地救未及芳草迷天淚零雨
卓哉一死可百年此事已過永泰前黃沙野塞多降骨

忠義傳中收不得

富春新創關將軍廟成吳子中攜卷索題

吳生病起有怪聞夢中識得髯將軍香火乞靈自此揭
廟門醜酒樓欄雲我曾久讀名將傳紫金焰眼賴玉面
漢鼎依離强分割楚鋒剽狡輕攻戰天荒地老路不通
魂升魄降魃秋蓬神仙負劍乃兵解巫覡傳芭真鬼雄
壯夫本合荊州死嚴祀何哉富春里只今江左四祠無
狄公髯乎髯乎獨不恨見孫江東

題錢舜舉張麗華侍女汲井圖

景陽宮中臘脂井手出銀盤
牽素綆鉛華不御面生光
寶帳垂綃花妬影臨春結綺
屹層空璧月瓊枝狎客同
鴛鴦戲水池塘雨蛺蝶尋香
殿閣風日高歡宴嬌若訴
牀脚表章昏不寤吳兒白袍
戰鼓死洛士青蓋降船渡
井泥無波井欄缺半點臘脂
汙緋雪蕙心蘭質吹作塵
目斷寒江鎖江鐵

白髮辭寄答陳時父

昔予頭燥髮未茁今我頭枯髮先折童心尚在顏貌改
滿鬢蒼華點霜雪朝來把鏡看未真鏡裏相逢類兩人
東都貧孟歎孤劍西邸老康悲故茵烏髭每怕不得素
素櫛何庸問衰暮楓林葉底變風煙藥草莖邊虛雨露
自非神仙劉阮傳世間容有幾春秋情知鵲鷦長朱頂
得見鴛鴦會白頭

黑海青歌

越山山有黑海青長拳快眼健羽翎三年寵養未得飽

萬里驍俊猶飛星黃蘆老葦日摧折白鷺文鷁看磔裂
腥沾石磧吹遠風髓擊寒岡散輕雪伊人脫手本凡禽
歲晚連條到上林鉗奴素賤多侯骨騎士虛豪即俠心
晉宮卽廢身欲死燕國雲銷草如砥嗟非鸞鳳高杳冥
望盡狐狸衆披靡當時奉使探遠巢兩微馳兵聞勇鏖
南土誰知此鷲猛北州驟見爭驚號天鷲薄天垂爾翼
海青雖黑打可得太平八極無不通函谷何門關西東

嶺南宜濛子解渴水歌

廣州園官進渴水天風夏熟宜濛子百花醞作甘露漿
南國烹成赤龍髓棕櫚亭高內撤餐梧桐井壓滄江乾
柏觀金莖擎未濕藍橋玉臼搗空寒小兒封出香覆錦
古鼎貢餘聲撼寢酒客心情辟酒兵茶僧手段侵茶品
阿瞞口酸那得梅茂陵肺消誰賜梧液奪胡酥有氣味
波凝海榼無塵埃向來暑殿評湯物沈木紫蘇聞第一

北方巫者降神歌

天深洞房月漆黑巫女擊鼓唱歌發高梁鐵鐙懸半空

塞向墜戶跡不通酒肉滂沱靜几席箏琶朋捐淒霜風
暗中鏗然那敢觸塞外祆神喚來速隴坻水草肥馬羣
門巷光輝耀狼麤舉家側耳聽語言出無入有凌崑崙
妖狐聲音共叫嘯健鶻影勢同飛翫脫故王大獵處
燕支廢磧黃沙樹休屠收像接秦宮于闐請騶開漢路
古今世事一渺茫楚襪越女幾災祥是耶非耶降靈場
麒麟被髮跨地荒

題袁子仁所藏巴船出峽圖

巴山一帶高崔嵬巴江萬里從天來前夫疾挽後夫推
黃牛白狗遽船開曉風東回水西上湔湔堆頭伏如象
盤旋鳥道怕張帆汨沒龍淵驚掉槳世人性命重濤波
吳鹽蜀麻得利多怪石急流須勇退貪夫險魄謾悲歌
神禹醜江江更惡五丁鑿路空巖嶸舟船可坐尚髮危
棧閣能行終淚落嗟茲舉目無不然直愁平地即山川
至喜亭邊聊酬酒長年三老好攤錢

觀淮陰龔翠巖所修古棋經

淮陰老人古棋經廣陵大幕青油廳一江對壘靜晝日
三楚結陣鏖流星東南賓客少馳檄白黑紋楸即強敵
坐穩縈迴建旌旆手談劈劒藏矛戟世間風雨長百變
身佩安危知幾戰崑河割破半藩籬漲海掃空全局面
樂矣軍中有此娛攻城掠野類兵書宮殿寢園終草莽
冕旒章服到鮫魚君不見驪山婦姑三十六破屋數間
昏不燭夜來教得王積薪滿眼長安代馬塵

夜觀古樂府詞憶故友黃明遠明遠曾作樂府

考錄漢魏晉宋以來樂歌古詞

憶昔黃君美如玉老屋青燈雨間宿起翻案上奇侘詞
前後千年樂家曲予方弱冠學謳歌去問詩騷法若何
偉茲欲繼三百五吮盡蝦蟇此蛟鼉就中齊代及秦楚
巾拂鞞鐸爭傳譜清商雅部粲然文騎吹簫鏡雄者武
心力涵泳到手力抄撮來口力有白醪目力無纖埃時
時弄筆便著句花木禽魚古今趣北岼垂綸楊柳枝東
隣著屐櫻桃樹自此相逢二十春一朝門巷間生塵淺

殞蓬蘽凍螳噉荒廬寂寞妖狐嘯人世本無金石壽簡
編零落安能久藝文著錄數百家一二僅存誰不朽一
二不朽終崢嶸歲遠寢恐山淵平嗟吾尚愛古樂府夜
半松風知此聲

客夜聞琵琶彈白翎鵲

白翎鵲東海來十里五里何摧頽一飛飛上青霄際再
飛飛墮黃沙堆少年臂名鷹齊出跨駿馬放鷹一馳躍
與鵲相上下身佩木弓射必命中中疊雙蹠血芟毛天

欲雪摩雲壓草地多風衝突三邊有意氣指揮八極無
英雄白翎鵲西海去千里萬里何軒翥一飛飛上賀蘭
山再飛飛過鐵門關少年領強兵乘勝即轉戰戟頭吹
火光旗幟舞秋練手持生鐵刀空城烏雀盡死麋麋鹿
瘡痍無處避角觶躑躅向人號收拾廣輪莫郡邑肅清
星嶽靜波濤白翎鵲東海西海都驅廓太常召見日月
山治定功成禮樂作大雅清商久寂寥鷄鳴邇遼多弦
索上林花開早浮艷榆塞葉落終迴薄一聲高一聲低

一聲懾懦百虎豹一聲束縛千鯨鯢白頭漢士聞先拍
青眼胡兒聽却啼君不見康崑崙羅黑黑開元絕藝傾
一國若還覩我白翎辭二十四絃彈不得

題錢君輔紫芝圖

我聞錢子古丈夫早歲喪親伏墓廬血淚迸空百草枯
神芝挺發黃土壚一莖三秀燿以敷圓釘寶蓋屹相扶
醴泉灌注含膏腴紫雲覆護連根株山靈地媪侈厥符
烏啁獸躅助號呼削杖直經麻布襦毀容惡服絕復蘇

孝悌有王貫斗樞卉木榮華孝之餘里閭耆長起歎吁
痛心疾首矧可摹夫孰非親堂上居日嚴祇敬本一軀
夫孰非子膝下娛風樹悲撓弗待予愛生戚死自古初
德鉏諱帚俗易趨剝分宦與類向隅較計絲粟遽異儲
被薪委壑餒鳶烏酣酒嗜炙酗枯杆衰雖在身孝已渝
天薦厥祉天亦誣信哉純孝與世殊史筆值此合特書
素冠所刺今不無朱草有神錫爾孤琅玕玉樹豈得如
岱衡恒華五嶽都玄黃赤白擁趾臚列仙山澤或療臞

瑞不為孝徒區區天寒歲晚霜霰疎慎終追遠在我儒
匪丹伊青繪此圖後有過者尚式車

白鼻騮

白鼻騮白鼻騮當軒迥立噴風沙名驥留良定北土蹇
驂索價猶東家青松縛柳曉安阜紅錦裁韉春映草走
遁心機愛神駿伏波骨力輕衰老去年禁馬無馬騎天
下括馬數馬皮浮湛鄉閭萬里足笑傲品秩千金羈幸
哉漢武重修政徃矣劉聰眞覆鏡立防戰備要馬稀藏

富民寰須馬盛向來河隴色為羣目極川原亂若雲庶
人徒行未足恤世間醇駟何由得

偶閱昌國志賦得補陀洛迦山圖

甬東東際控東荒蓬萊北界跨石梁天風吹來黑水國
海雨灑過青龍洋寶陀山高此孤絕善財洞近爭巉裂
黃金沙土結香雲白玉樹花飄瘴雪扶桑島上接鯁人
棋子灣頭望馬秦安期先生脫赤舄羲和女子扶朱輪
晨雞鳴聲日觀立老蜃樓臺潮候急釋迦方域船舶通

娑竭世家宮殿濕君不見海人稽首扣海磯
鯨鼉不動護仙衣紫竹旃檀何處所毗陵頻伽獨飛舞

劉龍子歌

劉龍子龍子出山龍母死一雙赤鯉騰來多玄龜獨戰
翻天河山頭種楓高不得楓葉落波秋正黑潛游蟹斷
烏無人飽啖蝦鬚汊作國巢湖龜眼看欲紅印都魚頭
闢為宮絕磴懸梁但一勺雲綃霧縠餘長風劉龍子龍
子為龍猶念母柘江沿海歸何所研中墨水吾乞汝昨

夜蛇醫送飛雨

五洩東源有地度可十數畝後負山前則石河
如帶幽負深窈蓋隱居學道者可築室偶賦

一詩屬陳彥正

越中五洩古名山東源峻嶺空雲間老石峻嶒欲見骨
天河瀉破莓苔灣蛟龍縮身似蜥蜴魑魅出沒司神姦
雷公一聲忽下擊鳥跡不到猶重關青華仙真舊治所
碧落侍從登清班穴疑綵狻據一柱戶想銅獸銜雙環

鳳馭鸞鞭白羽瑾芝樓茵閣朱莖殷梯梁未絕或可值
洞府寢遠多愁顏嚮曾寨衣得揭涉別擬鑿徑通茅管
寬弘頗占十數畝負靜粗覺非人寰澗流帶綰玉繚繞
巒翠髻擁花爛熳截斷塵埃與世隔構成棟宇寧吾慳
陳君尋常有道力況此跬步臨幽潺虛室光明白不動
寶爐溫養丹將還丈夫出處我已定馳字早寄孤飛鵬
休拘崑崙併漲海遇有勝處同躋攀

韓蘄王花園老卒歌

斬王手種紅錦花十載不掛鐵鉏鋤花園老卒守花樹
睡著花磚聞曙鴉白頭白盡身無事古塞沙塵戰餘騎
多士如雲足健兒一奇在腹終憔悴青銅萬緡蒲地光
寶函矯節賜夷王宮粧粉豔去酣酒海偵珠睥歸壓檣
王家舍兒驚吐舌御府珊瑚碎飛雪口猶乳臭却帳前
矍鑠一翁嗟棄捐君不見天下英雄本奴虜左鼻成龍
右鼻虎頸血淋漓思鸞鼓史傳沈埋誰比數花開花落
幾風雨

月出東林客窗上疑梅花影

朔風何處寒梅發
江水悠悠路超忽
逢花不語疑見人
對影非真却因月
縱使無花意自同
誰知有影色俱空
回頭不見東林樹
猶勝羅浮是夢中

次韻吳正傳都城寒食

悠悠獨酌舞春衫
千障黃塵客未諳
鐵騎引駝沙草北
雕弧驚雁塞雲南
太平天子回中望
齊國先生稷下談
猶有七香車幾兩
曉來風雨定誰驂

金部四八
卷二百七十三
滄州

荒亭貰酒壯心違
目極東州露雨霏
百里齊封滄海接
千年禹跡濁河微
暗塵掉馬呈金轡
衰草看羊著錦衣
猶記上元鳴鼓夜
滿船燈火越歌歸

次韻傅適道虎陂閘舟中

少年解唱邯鄲曲
惟有垂楊夾堤綠
夜來誰抱焦尾琴
彈作東風雉登木
虎陂閘裏水生煙
荊門山頭星照船
爭似揚州春十里
一雙鸞信待君傳

方養心欲遊泰山用前韻作思仙詞復和之

浩歌起作遊仙曲黃鶴無期瑤草綠
神人結屋泰山巔手拂浮雲扳建木
一笑齊州九點煙天風吹斷蓬萊船
還上高丘看遠海有書莫遣麻姑傳

溪行望故友黃明遠槐塘新墓

徃代衣冠日已賒故山棺槨此為家
經荃義闢中州魯樂調辭譏下里巴
涕淚無從餘宿草文章可惜等風花
嗟茲便欲酬鷄絮目注前溪有落霞

觀唐沈玠續仙傳

手展仙書向此朝起予俗病對芭蕉室間半夜雲璈動
巖罅千年雪髓消閒說茅龍騎太白遙聞木鶴降仁嬌
秦車漢輦窮天下望斷蓬萊併寂寥

寄吳正傳

日晚天寒攬敝裘西南目盡溱江流養生有論空成懶
招隱無騷却好遊雁鵠吟風燈照几蛟龍躍雪劍鳴韞
平生自笑飛騰暮幸矣心猶與道謀

仙華巖雪

已下係浦陽十景

手倚晨扃一渺漫
山神擁出玉嶺岏
光侵道者祠星室
跡破樵家斲藥壇
石笋撐空穿宿暝
天機織素掛餘寒
俄然喚醒西南夢
怕作松州徼外看

白石湫雲

獨上南山最上頭
朝隣一點便成湫
巖腰動石風初起
海眼輸泉雨欲流
蜥蜴含珠光照夜
靈霞捲鐵黑沈秋
明當去挾騎龍叟
直到扶桑第幾洲

龍峰孤塔

老眼前頭尺五天，真龍角上正攀緣。
規橈白馬馱經過，想像玄鰻護塔眠。
梵唄將回知磬絕，神珠欲墮避燈懸。
何妨宴坐初禪界，蠅蝶紛飛即大千。

寶掌冷泉

乍撥山亭木葉堆，老僧千歲唱巖開。
天從白石雲根出，地帶青泥雪髓來。
竹影自深斜映月，魚腥不到半凝苔。
世間夢渴知多少，可待金莖露一杯。

月泉春誦

古木叢中息世諠
老生勤學掩溪門
危弦未絕人須聽
蠹簡多忘我欲溫
白兔流光分石色
蒼龍擁沫驗沙痕
從今更浚源頭水
莫待投膠與救渾

潮溪夜漁

昨夜寒潮與此通
荒溪尚趁百川東
行依柏樹林頭月
釣拂蘆花嶼畔風
挿竹侵沙魚尾短
篝燈映草蟹螯空
太公遠矣吾將隱
赤鯉何書在腹中

南江夕照

偶出官橋倚落曛詩家觸景謾紛紛彈琴在峽驚聞瀑
罨畫為溪喜得雲竹篠晚深樵弛擔莎根秋短牧歸羣
道傍更有粉榆社欲脫蓑衣藉酒醺

東嶺秋陰

幾點晴雲著樹梢寒山蒼莽類城壕雞豚日落聲相接
鶴鶴風涼勢自高小徑殘榛分嶺脊平疇淨綠帶溪毛
朝來雨足多秋意井上無人事桔槔

深裏江源

半遶山根但一窪
眞源鑿破杳無涯
清澄或灌於陵園
窈窕猶尋博望槎
積雨衝隄蝸自國
微煙羃渚鷺專沙
欲行復坐皆雲水
只屬騷人與釣家

昭陵仙跡

一掌嵯峨是玉京
連峰欲向鼎湖傾
高張黼座龍隨下
靜擁珠輶虎獨行
白雪松扉雙立影
清風藥井倒吹聲
長歌爲問西王母
却把荷花與送迎

題畫墨梅

北風吹倒人古木化為鐵一花天下春萬里江南雪

石倉歷代詩選卷二百七十三